

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik  
Broj: 02/12-49-7595/18  
Sarajevo, 20.04.2018. godine

Na osnovu člana 70. Zakona o javnim nabavkama ("Službeni glasnik", br. 39/14), te člana 14. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u postupka javne nabavke – "Vršenje usluge održavanja sistema Matični registar» u pregovaračkom postupku bez objavljivanja obavještenja o nabavci, po preporuci Komisije za javne nabavke roba i usluga, br. 02/12-49-7595/18 od 20.04.2018. godine, Općinski načelnik, donosi

## ODLUKU

1. Prihvata se ponuda ponuđača «ITINERIS» d.o.o. Tuzla, sa najnižom cijenom tehnički prihvatljive ponude u iznosu od 2.948,40 KM sa PDV-om, u predmetu javne nabavke – „Vršenje usluge održavanja sistema Matični registar» putem pregovaračkog postupka bez objavljivanja obavještenja o nabavci, shodno članu 64. stav 1. tačka b) Zakona o javnim nabavkama.
2. Zadužuje se Služba za zajedničke poslove da obavjesti učesnika u pregovaračkom postupku o donošenju Odluke o rezultatima okončanog postupka javne nabavke i da zaključi ugovor po konačnosti iste.
3. Protiv ove Odluke dozvoljena je žalba u roku od 10 dana od dana prijema iste, a koja odlaže izvršenje.

### O b r a z l o ž e n j e

Na osnovu zahtjeva Službe za zajedničke poslove, br. 02/12-sl/18 od 28.03.2018. godine, donesena je Odluka o pokretanju postupka javne nabavke i pokrenut Pregovarački postupak bez dodatnog objavljivanja obavještenja o nabavci, u skladu sa članom 21. stav 1. tačka c) Zakona o javnim nabavkama, te upućeno pozivno pismo ponuđaču «ITINERIS» d.o.o. Tuzla za učešće u pregovaračkom postupku i podnošenju inicijalne ponude.

Uvidom u izvještaj i preporuku Komisije za javne nabavke, utvrđeno je:

- da je Komisija dana 13.04.2018. godine u 14 sati pristupila otvaranju ponude u prisustvu ovlaštenog predstavnika «ITINERIS» d.o.o. Tuzla, te je konstatovano da ponuda ponuđača iznosi 3.510,00 KM sa PDV-om, a što je evidentirano Zapisnikom o otvaranju ponuda.
- da su istog dana održani pregovori o podnešenoj ponudi, te je postignut sporazum o svim bitnim elementima ponude: cijena, način plaćanja putem jednakih mjesečnih rata, način pružanja usluga definisanih tačkom 2. tenderske dokumentacije, a koja se odnosi na nadogradnju sistema po potrebi - prilagođavanje sistema zakonskim propisima, otklanjanje nedostataka (održavanje) programskih modula u slučaju kada zakonodavac propiše izmjene koje se odnose na izvještaje, obrasce i poslovne procese koje je moguće implementirati dodavanjem ili modifikovanjem postojećih komponenti sistema, otklanjanje nedostataka i eventualnih grešaka, ali ne i grešaka u podacima i dokumentima koje korisnik obrađuje, nadogradnja programa bez dodatne naknade u slučajevima kada su proizvedene nove verzije programa, kao i besplatna isporuka prateće dokumentacije u pisanoj ili elektronskoj formi, pomoć korisnicima putem telefona, neograničen broj intervencija putem interneta, kontinuirano praćenje procesa replikacije iz općinskog registra u Jedinostveni matični registar Federacije BiH, te praćenje izmjena u tehnologiji korisnika i usklađivanje sa novim zahtjevima sistema.
- da je pregovorima je postignut sporazum o cijeni usluge koja iznosi 2.520, 00 KM, odnosno 2948,40 KM sa PDV- om što je konstatovano Zapisnikom o provođenju pregovaračkog postupka.

Nakon postizanja saglasnosti o svim bitnim elementima ponude, ponuđač je pozvan da dostavi konačnu ponudu, koja je dostavljena dana 19.04.2018. godine, sa ponuđenom cijenom u ukupnom iznosu od od 2.520,00 KM, odnosno 2.948,40 sa PDV-om.

- da je u konačnoj ponudi dostavljena dokumentacija iz člana 45. Zakona o javnim nabavkama.

Imajući u vidu navedeno, na preporuku Komisija za javne nabavke roba i usluga, a primjenom člana 64. stav 1. tačka b) Zakona o javnim nabavkama ("Službeni glasnik BiH" broj 39/14), odlučeno je kao u dispozitivu.

### **Pouka o pravnom lijeku:**

Protiv ove Odluke dozvoljena je žalba Uredu za žalbe Mostar u roku od 10 dana po prijemu iste. Žalba se izjavljuje putem ovog organa u pisanoj formi direktno, elektronskim putem ili preporučenom pošiljkom u najmanje tri primjerka.

### **DOSTAVITI:**

1. Služba za zajedničke poslove
2. U spis

Općinski načelnik  
mr. Semir Efendić

